



64469

墨麟詩卷總目

一卷

併浦偶存藁古今體詩一百十九首

二卷

併浦偶存藁古今體詩一百三十八首

三卷

計偕集古今體詩八十四首

四卷

歸省集古今體詩八十四首

五卷

跨驢集古今體詩七十一首

六卷

司勳集古今體詩九十首

七卷

柱下集古今體詩六十二首

八卷

黃門集上古今體詩七十三首

九卷

黃門集中古今體詩八十首

十卷



墨麟詩卷總目一



黃門集下古今體詩八十六首

十一卷

劍南廉訪集古今體詩八十四首

十二卷

劍南廉訪集古今體詩八十九首

墨麟詩卷第一

海鹽馬維翰



舟浦偶存藁

始癸巳  
迄乙未

古今體

海上對酒歌二首

巨鰲昂頭戴貝闕隱現方洲青一髮何人采藥撒波行徐  
福當年本凡骨十里陰陰松色綠松花掠飽紅蝙蝠石髓  
黃芽自煉丸當胸抱向秋風發冷光融融月亭午天上由  
來足官府良辰不倒雙玉餅千載蘅蘭浩無主

徐福洲

伯牙此地尋成連古甄蘼碧流琴絃海波汨沒寫何處貫

墨麟詩卷第一

酒且醉荒臺煙老蛟戲擊珠不定禽鳥哀號榮已暝浩浩  
天風走暮潮直接琉球開匣鏡我今拂袖凌紫雲餘霞如  
綺飄續紛鏘然彈作飛龍引不近清虛誰得聞

伯牙臺

塞上曲二首

大羽金鏡插滿房北風影瘦角弓長鳴鞭徑踏陰山去日  
莫歸來縣兩狼

白日悲笳叫塞垣平沙萬幕壓烏孫首邱長歎班生怯投  
老依依入玉門

擬扶風豪士歌

一佩魚腸劍再彈龍唇琴城南有蛇女喚來丹火燒黃金

生平呼盧笑劉毅百萬區區何足計但卷河源入海流不作三公且游戲花晨椎鼓夜澆酒賣漿屠狗真我友嶮谷橫吹虛敷風萬株盡綠春楊柳梯山射獵薰狐狸瑀弓曼纓短後衣鄉里兒童齊拍手扶風豪士脫矜奇

采蓮曲

木蘭為舟楫沙棠白魚尾赤青蒲長吳娃十五采蓮出掠波亂動紅綃裳朱唇玉面風花香迴波激起雙鴛鴦低飛貼水蔭荷葉交頸接翼啄綠房宛轉明眸半寸光欲語不語入斜陽盈盈帶水非淼茫妾住湖西毒瑣床

白苧詞

墨麟詩卷第一

二

娃館燈昏煙氣白空庭如水流華月新裁白苧作春衫長袖娑娑盤不歇吳王酒多微畏風美人心苦香霧濃迴翔宛轉飄驚鴻明星欲沒舞亦慵更衣起壽露光濕五湖帆影尊前入

擬少年行

珊瑚作馬鞭遠道之幽燕燕姬十三四當壚髮兩肩一解問客來何所愛客泉刀多連袂紫文綸流盼彈雲和二解飲若灌漏卮食若填巨壑久要矢不忘頭顱付一諾三解懾人但以目取人几上肉長揖揖長官芥視萬鍾祿四解下有黃口

兒上有蒼浪天寧為衆所忌肯為世所憐五解

戴烈婦詩

陸上舍弟輝述婦事甚烈且曰兄盍一言俾婦不死

乎翰乃原其始末而成此詩

南山石磊磊東海波瀾瀾芭蕉卷有心雪滿斷有絲人間  
無不有奇節留房帷杜陵有好女一世良所希阿翁調百  
草長兄去三尸女生四五歲進退關禮儀八歲被短髮十  
歲畫長眉十五翻繡帖不向門隙窺二十上簪髻于歸奉  
杵匝雞鳴弄刀尺十指如柔荑辰良時復吉鼓吹從門來  
女蘿但棲托夫婦會有宜肩輿促裝去小妹牽姊衣沈瀾  
落不止不語白日移嫁夫從貴賤鳴相親結褵謝家為有

終此禮自古貽不得一心人寧免嫁娶啼行行重回首歸  
寧伊何期是時新上頭頭上削荆釵足下雙趺妍不用珠  
履綦腰間紈素裙錦繡不得施明眸乍宛轉秋水漾漣漪  
皓齒見巧笑脣奪紅燕支桃花吐兩頰烏雲搖鬢絲天然  
去雕飾芙蓉出清池合昏何嫵婉東風開歲蕤青春不相  
負白首矢同歸夫壻輕薄兒何以爲倡隨三日作新婦中  
廚具晨炊不怨廚煙冷長得厭糠粃婉孌敬翁姆翁姆心  
顏怡小叔方扶牀保抱舖粥糜五夜勤織作中庭嘯愁鴟  
一日斷雙縑軋軋鳴春機譬如集蓼蟲食苦安得辭空房  
何不樂撫案生嗟咨耶孃相繼沒斷絕如縷縻小弟業優

伶流宕天一涯弱妹嫁公府月照空牀幃生死盡乖散有  
情當告誰春花自爛熳秋月流素輝里中事報賽傀儡相  
游嬉里中惡少年偶坐醉醜東隣傅紅粉西家綻錦衣  
流連左右盼各自嬌其姿聯臂招新婦百約頭不回婦道  
重幽閒恐此事非宜里中十百人皆言新婦奇新婦自有  
心心中常苦悲生爲小家女目不識書詩嫁爲貧家婦十  
指爲家貲瓶中無宿儲日夕重淒其入亦復怛怛出亦復  
怛怛夫婿五雜組爲業苦賤單元黃間朱綠一一光陸離  
妾見素絲變摧肝增煩思妾見素帛黝感愴惶不緇零丁  
門戶薄健婦難自支匪石不可轉誰能相瑕訾魑魅從何  
來云住江之湄趨趨捷猿孫眼滑雙瑠璃傭身飽口腹奴  
隸非等夷翁姆黷不明豢養得因依自從入家裏雄狐何  
綏綏不得相引避驚心見凌欺薄言愬夫婿兩耳襲以綿  
便可白翁姆翁姆抑何癡巧舌銜奸黠真偽頗不疑念昔  
耶孃家憐惜藏閨闈晨夕匿形影此景不可追重開今冥  
冥勿復克鑒之王睢亦有匹相鼠亦有皮洵伊獨匪民竟  
莫愧其非嗟哉信狴犬妾自牢藩籬其月月在午其日晷  
兩霏阿翁買駝去半月閨門羈夫婿輕薄兒市醉青花瓷  
獨與阿母居老病筋力衰小叔六七歲階下摘終葵新婦  
乳阿女高樓方啼飢魑魅口語心仙人冰雪肌違此大有

緣何用求良媒踏踏踐中堂梯空塞其幃青紅匝兩腕掩  
口相擁持新婦四五歲進退關禮儀八歲披短髮十歲畫  
長眉十五翻繡帖不向門隙窺二十上簪髻子歸奉梓匣  
豈有比翼禽乃逐鳥鳶飛豈有連理樹肯接惡木枝號咷  
被逼迫誓不相從伊魑魅驚變異拔劍肆猖披鋒尖兩刃  
薄公然橫其尸小叔六七歲驚起疾不遲白手無寸鐵總  
角身孩提怒逞螳螂臂當軍豈得支可憐神不佑糲糊頸  
血被一室冤鬼哭天地爲昏迷白日慘不光浮雲黑隕塵  
飛鳥空際落百獸鳴酸嘶阿翁坐怨悵半月閭門羈阿姆  
抱牀褥覆面紛涕洟人行報夫壻夫壻得聞之來家相看

墨齋詩卷第一

五

取注視捋雙髭行道互傳說里正前致詞列狀置堂廡堂  
上詫有司有司視含殮遺息呱呱兒牒成大吏謂可愧  
鬚眉婦誰不有夫夫誰不有妃鑿茲伉儷切端可砥俗靡  
交章叩閭闔姓氏充郊圻朝中十百人皆言新婦竒咄嗟  
彼魑魅變割安足治東海有冤禽嗚血何淋漓自名爲精  
衛或恐婦所爲里中競感激兩淚紛漣而墜型光閨閉用  
樹閨中師南山采珉石琢作穹窿碑北山采松柏架作香  
火祠丈夫出巾幗彪炳餘音徽魂魄不淪沒雲風飄靈旗  
繫予重名教弔古或獻欵矧茲同邑里忍令光采虧見夢  
何愴怳側耳聞晨雞聆此意不釋庸結念文詞

子欲廉其書其文  
之未成一夕陸陸

弟夢婦人流血被面者是  
耶非耶殆其靈不泯耶遺跡有時盡文詞永永垂來者倘興起

黽勉吐此詩穆堂先生云聲息入古緣  
湘芷先生云色理俱樸至

### 漫興十四首

著書號雋永結客友安其膝下封侯相心憐面最危  
遷客長沙傳淒涼前席餘行吟江上意五日弔三閭  
明白申韓術當時受尚書千年怨爰益削土計何如  
枚叔高詞賦免官客大梁小妻兒最警只是類俳倡  
射虎南山下居宮右北平將軍使小忿何處布名聲  
轉戰居延北南行鞬汗山丈夫寧再辱不用視刀鏢  
雲塞節旄落羝羊解乳不株連無博陸應失爵通侯

### 墨齋詩卷第一

六

董子羣儒冠居然王佐材天人好三策辛苦下帷來  
椎采攻經術紛來駟馬迎軒然會稽守五十足功名  
曼倩滑稽雄詼諧最不窮長身餘九尺愁絕主人翁  
莫種南山豆闔門千萬餘平通亦英俊能讀外翁書  
祖帳都門外賢哉二大夫多財貽患害了不問賢愚  
望氣長安獄天明尚閉門誰能脫病已絕口道前恩  
謹厚饒田宅奢淫理管絃後堂有婦女慎弗內彭宣

### 讀史偶成

灌園鋤菜成韜晦噓拂炎灰繼大風畢竟解人曹孟德酒  
酣曾與較英雄

二表略盡景升死百萬艤腫江漢中付與東風狂一夜生  
兒須是紫髯公

當塗神武爭時勢指顧羣雄掌握同直到西陵遺恨在二  
喬生小落江東

擬四時詞

春雲黯黯瑤階溼宜男草綠鶯聲急蒲抽小劍刺羅裙佳  
人背面鞦韆立單衫白紵翦東風翠幕如煙江霧空鷺蘼  
花盡櫻桃結百舌唬殘片片紅

南園夜長籜龍尾濃綠闌干收不起柳絲一把曳輕風碧  
紗廚薄清於水齊紈扇子記相思閒捻蕭郎玉笛吹蘭房  
日永鸚哥靜半綫柔紅枕翠眉

墨戲詩卷第一

七

露華已白蓮心苦雕梁紫燕辭巢語銀浦雲寒斷不流桂  
花微落蟾蜍舞丁冬檐鐵攪秋幃屋隙涼螢透簾飛鹿盧  
井上青絲冷夜月梧桐換袂衣

錦屏翠幃小垂手鳳褥寒深三尺厚簾外嚴霜駕日鞭缸  
花夜笑金樽酒火井溫泉凍不波黃貂皮合鴨嘴鞭落梅  
風愛春纖弄戲擁顰婆奈澀何

望夫歌

春風動白蘋鬢影眉梢綠空江一片帆誰聽囉嘖曲

南湖柳枝詞四首

長水塘長柳萬條烟煙雨雨望春橋誰憐捉搦嬌無力眼  
起東風鬪舞腰

范蠡湖邊烏夜啼千株直接女兒溪蘋香微動扁舟去訪  
佛箇儂真姓西

三塔寺前金窈窕五龍橋外碧絲絲日高風定春波濶青  
眼知他合向誰

濯濯丰姿帆影青雲翹煙鬢蒼茶亭滿湖晴雪飛如絮只  
有鴛鴦夢不醒南湖一名鴛鴦湖

偶題

樽酒相逢俠少年出門長歎劇飄然孟公坐作太原守不

墨齋詩卷第一

八

過輸他博進錢

湖上對酒贈朱上舍兄弟

我思仙人信難求何如買醉湖上樓下瞰湖波抱山去鷓  
鴒鷓鴣相沈浮總宜艇子不到岸一笑更欲凌滄洲朱家  
弟兄豪雋士睥睨一世輕王侯曾中卷軸有底用高談往  
往叢愆尤既不能鐵衣卧月出沙漠長檣大劍搆敵喉又  
不能睚眦爾汝明恩怨狹邪薄倖驅驛騶四十四載過一  
瞬九十九峰落兩眸昔人安在空陳迹今者不樂成幽憂  
君不見孤山梅樹荒蔓草葛嶺藥竈堆土坵只有西冷橋  
下水年年月月牖中流

謁岳忠武墓

續撥斜門日支撐半壁時書生誰叩馬丞相自班師臣力  
何曾竭君恩不可知祗今祠墓地遺恨向南枝

初白先生云  
有隱有秀

湖上竹枝詞三首

外湖裏湖光映天段家橋畔柳如烟阿儂兩兩風風慣生  
小湖中十錦船

南高北高兩道峰似儂新點黛螺濃儂粟油壁郎乘馬一  
徑陰陰九里松

放鶴亭空鶴不迴浙江潮上浪如雷郎休秦望山難望儂  
是飛來峰便來

墨齋詩卷第一

九

吳行口號二首

明鏡誰縣五十三銷魂一曲望江南雙鬢笑上柁樓去寶  
帶橋頭天蔚藍

繫纜沙灘對畫樓畫簾斜挂曲瓊鉤層層燈火耽耽雨不  
過閭門總不休

蘇臺詞

半夜梧桐颯已秋紛然麋鹿入長洲姑蘇臺上團團月照  
見湖中范蠡舟

同作

海鹽

朱

權仲

錦帆春水載吳船豔絕耶溪女可憐值得夫差身一死

闔閭將指落誰邊

無題同張三上舍兄作四首

莫雨瀟瀟增薄寒斑痕容易洒明玕山中藥采東西路江  
上舟行十八灘倚病常時緣貝錦坐愁多半凭朱闌新秋  
池館青梧落一倍生涼怯素紈

前身同住鬢持天小謫人寰夢不圓匣舞紫鸞啼日日牋  
銜青鳥譜年年榴裊幾看朱成碧薇帳端憂玉化烟莫信  
忍情矜補過此生終憶戟門邊

妮花弄影自迴翔調笑從他白石郎但擬雙棲梁乙鳥未  
輸百結樹丁香楊枝便放腰還削桃葉如羞扇可障怎奈

墨麟詩卷第一

月寒風乍緊教人俯仰一霑裳

吹笙底用住銀河且把長歌續短歌燕去鴻來終不了山  
青雲白奈如何莫烟欲動聞蘭訊秋夢閒猜放雉囿淒斷  
膽銅親照過更無言語注橫波

和會真詩同朱仲謀許元文賦

素藕種房籠蓮心苦未空有人殊覩覩背影最朦朧曲接  
紅牙拍絃調綠綺桐蛾眉彎夜月蟬鬢薄秋風相望黃姑  
渚交歡明下童粉廊行料峭煙徑溼冥濛怕拂香囊麝  
煎藥店龍譏言防市虎秘咒起川虹躡幻遊蓬島梯空共  
桂宮于時經里北此刻近牆東石是三生舊犀原一點通

餅金窺浴賺紈扇理羞蒙精授玄駒國魂飄赤燕叢花欄  
羅薦軟鏡檻采帷籠別恨綃猶溼溫鄉雪欲融問年憐尚  
小執手愛微豐感極何知怨恩深不有躬檳榔含目度豈  
菟舐簧髻低黛鴛生被斜矚袴換窮丁冬宵箭短膈剝候  
雞終叩叩抒明悃惓惓序素衷長愁天亦老噩夢地皆同  
篆息閒奎鴨缸昏暈玉蟲遠山雲靄靄瑣院日曛曛喚起  
春如海將離誓指嵩繫環衣上淚斷袖枕邊紅荏苒經芳  
草音容竟渚蓬橋填達喜鵲書附失來鴻入憶神難遇相  
憐腸欲沖鴛鴦牒可譜添注箇儂中

偶題三首

墨齋詩卷第一

二

銅爐香燼篆煙遲窮巷無人犬護籬三丈日高春睡足黃  
鸝飛上海棠枝

紅心細草上牆生牆腳苔衣一徑平春水鴨頭新漲綠未  
經穀雨過清明

短檝劃波天蕩漾長雲吹墨雨霏微東風不與花張主陌  
上紅飛緩緩歸

戲和朱丕光五六七言

何許生幽怨啼痕閣不流迴身抱花影芳草替人愁

如來碧雲金粟臨去紅裙石榴雨頰風顏無賴鶯啼燕語

勾留

紅牙小按木蘭舟分付東風爛熳遊春夢未迴沈火冷水  
楊柳外月西流

再和絕句

濃綠周遭遠眺難小樓明滅出朱闌闌干四角紅簾下一  
樹青青杏子酸

東齋燕集和費上舍兄韻

脩綆事汲古歲月去堂堂浮雲連四野寒日短不長是時  
秋新釀東齋介華觴黃雞烏背鯽大足怡中腸酒力頗不  
勝要自夸其強宵分越席走主人牽我裳辭以出更衣瓦  
白寒有霜瞥焉趨別館意得殊揚揚雲淨遲月吐權歌送  
橫塘舉頭青天底吾輩狂非狂此夕良燕會稍使眉開張  
何曾同阮籍徑臥酒壚旁

墨麟詩集第一

三

長歌寄朱上舍立菴仲謀秀才丕光許二秀才元

文

中庭芳樹十尺高間關好鳥求其曹男兒隨地重意氣誰  
甘塊處長寂寥孟齋朱君好風骨其仲馭馭殊手標許子  
質率出肝膈酒亭拓落神猶超四君嗜奇我石交側身望  
古心鬱陶去歲孟冬月魄死山中有約浮輕舫霜威動地  
淒且厲登高極目百卉焦似能未能退舍日欲下不下盤  
空鷗留耕丈人具雞黍亂峰缺處行松醪酒徒長歡落巖

谷大海迴風生莫潮儵然塵累頓相遠別開靈境離煩囂  
連床申旦誦誦語流紅蠟燭燒三條平原十日興最豪撥  
櫂仍返南塘橋雪花襍褫撲緯旅會合石鼎何嘈嘈龍頭  
豕腹逞百怪失勢一瀉如奔濤塗鴉點竄使道緊未安一  
字紛嘩呶人生良友苦未易合如洪波劃以刀今年三月  
花滿郊苦雨點滴檐泓頰入山兩屐束高閣魂夢時雜諧  
與嘲白晝大坐等繫匏竒癢不得麻姑抓直據此詩寄蕭  
瑟閒窓綠影未篋篋

登秦駐山訪龍井小飲茅庵同朱上舍兄弟許二

秀才賦

墨齋詩卷第一

三

南龍蜿蜒起天目歷九十九神暗鑿石塘四千八百丈潮  
生汐落凝青潭憶昔秦皇逞雄跨跨珊瑚鞭石石豁豁垂龍  
帖耳走相匿躩伏井底留空潭爾後炎曆四百載康居僧  
此誅茅庵自吳赤烏屆今日佛火千劫紅燈龕我生髮燦  
守環堵酬應嬾過三眠蠶庶幾登覽踏雲壑秋山還恨無  
時探青楓著霜染淺絳蒼松過雨搯深藍軒眉山翁折寸  
簡連袂好友偕二三古井一俯水氣上潛虬容測所孕涵  
寒波不起清炯炯幽花欲墮陰參參腥涎凝沫動百怪白  
晝颯啻風雨酣頗疑獺獺肆凌侮之而想像須鬘夔小態  
未厭精舍冷軟飽稍進溪毛甘山村釀作瓜皮色一奚好

事葫蘆擔綠溪犢莫放巢父當筵曲尚憐何哉須臾鴉陣  
噪古樹夕陽澹澹遙峰含戲語諸君且休矣澗壑騰笑夫  
何慙待我齒脫髮半禿直來築屋餐烟嵐

晚秋過卷阿適朱上舍兄弟遊南山歸立庵出示  
用東坡與子由同遊寒溪西山詩韻詩仲謀丕光  
亦各有和章予因繼作

菊英亂放香滿畦暖飛黃蝶紛東西笑君兄弟苦登眺日  
日遊山醉似泥兩屐齒脫客怕著一壺口缺童羞攜三郎  
廟前煙水潤蘆花撲撲飛鳥鷺滿城風雨感晨夕我船不  
覺沿秦溪溪迴菱芡零已盡眼明半頃青玻瓈遠山架屋  
出樹杪危若嘯鶻巢煙樓躋巖巖磴最幽折木葉堆路無  
行蹤聞道朝雲起新塚落花數點含餘悞道旁巨石鬼斧  
劈十圍老樹根相擠頗憶去秋濡石壁白酒新壓蓴新菘  
重來風物竟已改舉頭涼月仍如圭

邨居雜詩二首

邨北邨南連夜雨開門新水沒魚磯櫻桃欲謝日初上楊  
柳作鷓鴣亂飛事有盟心寒不得愁經切骨憺忘歸蕭然  
冰鏡閒相照如許頭顱耐白衣

嬾性何妨博高卧閒身何事付忘言來牛去馬量成谷短  
榻長鏡灌此園眇眇游絲飛白晝濛濛香雨濕黃昏寄聲

辜負提壺鳥鎮日催沽不出邨

海上雜咏十五首

馬嘯城

水澹羣山峙登高百感生昔人久蕪沒何處馬嘯城

伯牙臺

天風吹藤蘿夜月荒臺白九十九高山今古送潮汐

尚胥橋

莎隄卧長虹寒潮蛟所宅不見吹簫人溪光瀉天碧

秦皇美人墓

胡蝶怨沙邱空山草木秋何如徐市女采藥有孤洲

皇華詩卷第一

呂冢

五

義婦堰南冢傳譌指阿蒙鷓鴣三二月啼血灑東風

康僧像

胡僧記赤烏西來見大意遺像金粟山漫空落舍利

比肩里

舊里傳比肩深情在伉儷寧夸大小喬一一佳夫婿

烏夜邨何準墓

城南驃騎墓穴作狐兔窟孤邨烏夜曉積牆見殘月

戴威宅重光井

晉井留遺蹟樓臺鎖夕曛六時聞粥鼓誰憶故將軍

顧逋翁橫山故宅

雲峰壓迴川山鳥連天去當時文酒地歷歷蟠老樹

徐彎宅

放櫂天仙湖中有徐彎宅置風海外來我亦方壺客

魯公祠

魯公有遺愛千載識魚頭廟貌東城曲泠泠碧玉流

楊宣慰妝樓

宣慰開妝閣名花貯幾何春山螺子綠終自學雙蛾

趙公範舊時月色軒

王孫抱幽怨舊國思淒涼愁絕清軒景依依明月光

墨麟詩卷第一

六

王陽明先生杏花樓

新建樹豐功講學邃名理寺樓山杏紅心度姚江水

題鄭上舍詩後

竹裏開罇共盃勺花間說餅獨髭須曩人爾日風流少又見新詩鄭鷓鴣

中秋前三日朱大立菴招同許二元文朱三仲謀

二十二丕光登烟雨樓用十一尤韻得六首

載月來登湖上樓飄然便可馭風游帆如不動暮天沒岬竟欲隨秋水流何寺一聲孤磬遠長空萬點亂鴉愁酒盃

頻勸君何苦未使春波負秀州

秀州酒以春波橋釀為佳

三三五五采菱謳漸度前灣水閣頭人在野雲橫釣艇草  
經宿雨近簾鉤未妨微笑酬龍藏實有閒情對鶴洲此際  
茫茫何所見一時叢桂小山幽

光景宜人亦勝遊誰家臺榭起汀鷗衰休宅裏鳴風鐸范  
蠡祠邊有鐵舟不分荻蘆工瑟瑟最憐城市迴悠悠江湖  
鍾鼎休分別只合萍蓬任去留

漫點文成鸚鵡洲西風殘照向人秋小橋影瘦迴紅袖疎  
柳涼輕繫紫駟豔蠶能呈五色堂堂魚欲種千頭人生  
不踏青冥上畢竟芒鞋何處投

縠紋微劃鏡光浮蕩漾尊前不繫舟帷幕幾多棲燕雀衣

墨麟詩卷第一

七

裳安用羨蜉蝣湖天海月公無渡波立雲垂我欲愁閒凭  
闌干思往事鴛鴦飛去釣磯頭

蟹舍魚莊可自由靜中日月定何求看多綠樹當三面惜  
少青山放兩眸閒倚新聲宜子夜偶橫長笛弄伊州樓居  
倘有仙人遇爲問蓬瀛清淺不

偶閱宋四家詩各題一絕

居士風流真絕代海南萬里對朝暎秋鴻春夢俱難遣不  
獨梅花合斷魂

東坡

涪翁詩骨何清挺古木槎牙石氣青欲向西江吸明月莫  
天孤鶴下遼汀

山谷

青嶂白雲多異境杏花春雨足閒愁中原北定誰能卜老

枕江湖虎鬪鸞

放翁

銜命虜庭聲激越養痾舊隱致清新石湖秀句原風味畢

竟微嫌類婦人

石湖

過水月菴贈僧二首

天碧湖雲澹不勝倚門古樹挂秋藤分明橫幅倪迂畫消  
受從教屬老僧

別院疎鐘過水西輕煙欲上亂雲低蒲團日午叅禪了一  
邨雞膠角啼

書朱六丈留耕處壁

墨齋詩卷第一

六

結廬東海濱釣竿插屋壁平生有微尚頗不愛岑寂攬衣  
日落山中來長歌白石松風哀顧盼魚龍海波裏日月盪  
漾棹桑開豐山丈人豈高隱長日含毫蘸胡粉搨出溪山  
得意圖自酌紅螺進春醞山南穉稻連翠微稻黃九月紫  
蟹肥腰鎌偶聽乳鴨叫植杖留看天鷺飛柳陰小圃場新  
築清溪直瀉空亭綠短篷往往檝頭舫繫纜溪根叱黃犢  
秋風天濶吹浮雲野寺鐘聲到處聞過橋紅樹殘花合隱  
几青天別夢分丈人勉作溪山主我生甘與噲等伍杯水  
難容橫海鱗未把一犁鋤暮雨

游悟空寺

一隄橫亘五里餘秋水澄碧夾兩湖湖根芙蓉花葉亂菰蔞菱芡半已枯晴空鴈高風不惡天外潮頭怒欲落午雞引吭聲咿啞野寺遭人澹與薄當門一笑我爲誰慷慨自謠猛虎詞立枝山雀知何故見客入來輒飛去

有鬻顧樵山水畫卷者爲題其首

閒雲忽來烘石斷猜入青天尚天半一泓山溜挂當空搖盪覺是吹天風斜林微露寺角紅知有殿閣高玲瓏吳淞顧樵今安在畫卷風簾有餘態白金幾餅乞一幅人海得名三十載三蓉東絹想手裁大坐雙扉扁不開經營慘澹晴常定揮霍淋漓瀉神欲來我當永夏涼習習暴雨侵堦莎草溼未嫌蝨蝕展牙籤茅屋何人新補葺天長路僻回江干荻花蕭瑟衣裾寒暮猿啼處隱洲渚幾點漁舟逗遠灘樵也此筆真擅場我聞游踪久朔方登臨傑壯魚鳥少終朝車馬塵埃黃胡然坵壑偏疎秀吞吐胸中有結構此非人力天所授卷還付君且善藏切莫逢人便輕售

日本刀歌

倭奴髮卷眼深碧巨舩萬斛滄海東橫敬青天小黑豆與波高下乘長風風狂帆疾長年怖隱現雲際天妃宮遭閹淺沙難泊岸相持痛歎饑糧空腰中寶刀長三尺更有好礪相磨礪一團冷氣逼毛孔秋水淬鏗新芙蓉攜來易米

向村市咄咄怪事驚兒童杖頭百錢偶換得中夜往往聞  
吟龍佩之入山虎豹避山魃走匿不敢逢此時傳觀滿座  
看銅鏤髹漆皆鬼工當筵樺燭照酒琖拔刃出鞘光齊紅  
芒寒色凜人自遠咨嗟挂壁還動容急呼收藏意稍定天  
邊漸聽號征鴻或云

聖世尚文事雖有利器應無庸區區日本渺海外頑鐵安  
足嬰其衷急宜棄擲比瓦礫無使妖燄千長虹我為躊躇  
酌大斗出羣誰是千夫雄維昔人傳班定遠封侯萬里因  
邊功

雜用古詩十九首韻卽事起興緣情有作不在摹

墨麟詩卷第一

古

二

嘆息重嘆息下階見將離登高望遠海窈冥無津涯聚首  
當今日明日安可知我有千絲網願挂珊瑚枝浮萍吹空  
遠飛鳥度波緩積羽勢沈舟偏重難復返關山月已盈蒼  
蒼暮煙晚四顧野踟躇飢來不能飯

東風起空谷散入春楊柳黃鳥聞關鳴蛟蝶飄戶牖世事  
煙際帆東西在兩手誰能縛壯心媿姁同妾婦盛年處闈  
房不字貞可守

山南亦有柏水北亦有石山水足清娛逍遙即嘉客及時  
不行樂造物豈我薄適意計誠良二頃田在洛我慕榮啓

期九十行帶索塵埃視冠冕肯羨金張宅不然起高樓崔  
嵬卧百尺閉門亮已甚欲見待其迫

入世岐好醜中途雜然陳側足但不慎難復怨鬼神人心  
不如面何以寫厥真天壤有龍蟻未可辨屈伸春至榮朽  
草風來散囂塵豈有桃源客不使人問津桑麻覺可愛藿  
曰非受辛

尋長寸則短物理本不齊布衣棄田里乃登天子階丈夫  
矜意氣不爲窮約悲堂上語老親閨中語瘦妻一室有至  
樂無然重徘徊人生計來日寧免中心哀撫髀吟白雪此  
曲和者稀野鶴雖俯啄佇盼凌雲飛

墨麟詩卷第一

主

清晨出飯牛柵中有細草此草何足論蕪蔓在大道翹首  
雲容容披襟風浩浩歲月苦無情江海催淪老

昔有艱膏火餘光鑿東壁頗亦憂賤貧乃至傷閱歷慎言  
庶寡尤五十以學易素業抱殘編舍此定安適雲天盪飛  
鴻所恃在勁翮高舉有奇勢豈復蹈陳跡南轅之幽燕未  
可咎無軛蹶趨背時利追悔有何益

南山有隱逸廿老終巖阿車馬了不顧結屋垂藤蘿顯晦  
豈無時行藏自有宜少小堅志趣寧得計平陂涓濱八十  
叟發迹良非遲含蘊珠與玉山澤相光輝不然凡草木望  
秋以先萎負荷天地間鼎鼎終奚爲

明月照入座中庭清露滋衆星耿耿欲沒頰首長相思出門  
無近遠良須定所之投足分舜跖蹠恐後時

慢藏非良賈倚市非貞女天孫雲錦裳豈是凡機杼銀河  
一勺水能作九天雨雨工不可鞭空憐奈何許注目倚雲  
根古匣琴絲語

冥絕海上山登陟似有道傳聞頗靈秀樹植皆瑤草馭風  
侍紫皇煉客豈能老會當致此身未論候遲早琅函金石  
錄長日相稽考嘆息勿復言我其慎守寶

煙火百萬家鴛瓦相聯屬天桃亦已紅長松不改綠游戲  
百年間奄化抑何速慨無紫團參思慮奈迫促戚友徒傷  
悲生芻記一束當時勢灼手黃金白者玉中腸日九迴苦  
似河源曲隙駒走蓬穴鞭後義和促儂指古今人幾人留  
芳躅蹇吃如揚雲著書乃仰屋

憑弔昔賢達簡冊志墟墓墓前何所有縱橫行人路惟有  
古松月回光照薄暮白骨搜狐兔千年永不寤棲托有精  
靈明明草頭露校尉解摸金銅棺豈云固控鶴思上昇恨  
乏王喬度自來求仙人受魅不知悞我亦愛我盧黽勉保  
厥素

勢位俗所重田實疎者親一朝棄賓客石馬卧坵墳翁仲  
曠厥守斤斧來負薪牛羊上荒隴道上指行人輕塵棲弱

草涕唾良有因

得固未足喜失尤未足憂頗學莊生趣常為汗漫遊富貴  
須何時斯文寧在茲愚公欲移山不待智者嗤惟恐不好  
名此意聊前期

天風吹蓬藿飄零良復悲量力守逆賤自攬懸鶉衣中心  
同百結表裏誠無違豈無景物佳眇昧少光輝乘舟苦無  
楫登車苦無綬三年雕楮葉迷茫失所歸安能比新婦閉  
置三層闌油雲四垂蓋漠漠周天飛獨上浮圖巔騁懷縱  
遐睎歌聲出金石何處開柴扉

窮巷寡陽和淒風稍凜慄濟時策可獻援手無九列生畏

墨麟詩卷第一

三

見貴人衣糧分所缺樵牧多友朋一一枉瑤札枉札亦何  
庸聊用志濶別感此意良厚中心永不滅縱未救溝壑子  
子君能察

踵門問訊誰被服羅與綺從者相後先諾諾復爾爾戒門  
善為謝醉人方擁被將子幸無怒醒當行自解荆請豈不  
羞微意應若此

陰陰珍木葉垂蔭來書幃我聞檐鵲叫獨立稍遲徊沮溺  
差可耦辰出而酉歸未願入城郭寧問呵道誰安得作爾  
語荷芟非我衣

梅花詩六首

低迴何處寄相思古樹儵然獨秀時看劍忽來橫几影倚  
樓恰放拂簷枝清芬似沁人先醉微霰初零鳥不知爲語  
江南驢背客欲尋春色記疎籬

寒威小減地爐溫正試春風第一番每自凝神當遠驛爲  
誰孤立向荒邨晴雲曳宕春無限午夜分明月有痕索解  
此中渾未易良時聊與酌芳樽

處士林亭一逕封枝頭翠羽話惺忪離騷偶逸仍奇骨和  
鼎相期可報容瘦入夕陽翹水鶴夢田野寺隔烟鐘春來  
大欲探幽勝未怯青天策短筇

牆陰渾已濕莓苔隨意閒雲任去來雅值心知原欲笑澹  
無人賞亦終開霜風犯曉淒淒冷海氣凌寒淦淦回未必  
空山之佳趣莫將芳訊托蜂蝶

竹逕縈紆發凍條幾間茅屋雪初消未能拔俗還隨俗漫  
擬明朝比昨朝橫倚吟鞭歸信馬微歎醉帽指危橋公門  
爛熳紛桃李誰向尊前伴沈寥

曲闌西畔亞枝橫拂檻長梢一倍明豈有雪霜邀顧盼直  
於鐵石托生平疎林風定茶爐沸小市雲寒酒旆清閒對  
冰池增歎息烏鳥暮角兩三聲

墨麟詩卷第二

海鹽馬維翰

俛浦偶存藁

古今體

雜詩七首

被褐坐清風側身緬修途曰惟魯東叟垂作萬古模六經  
重刪述大地行江湖蹇余好竒服束髮為門徒二十業不  
就對鑑微有須齊士日抱瑟齊王乃好竿耕穫久所廢生  
理亦已愚安從博升斗反哺如鳥烏午夜寢不寐發篋陳  
陰符陰符事詭秘何用相揣摩泱晨嬰煙絕噓飢餘妻孥  
含笑語妻孥此事徒區區

墨麟詩卷第二

一

號物數有萬盈虛瑤推遷高輪同氣機終古謂之然斯人  
尤鼎鼎滅沒流雲煙自非采芝术安得長歲年亦有卓犖  
者俯仰希聖賢南箕北有斗身往名猶傳名傳究何益差  
不愧生前平居獨往志遐哉付簡編所以揚執戟寂莫草  
太玄

威鳳不受效天駟不就羈丈夫矜高節何用相提攜求魚  
或緣木種豆而落莠蓄願未必遂庸亦償所期古昔賢達  
人品地金石垂其上立功德其次傳文詞昌黎大手筆能  
起八代衰萬丈吐光燄李杜亦我師

讀書先守身但枉不復直何用憂賤貧努力崇明德神明  
旣敷腴亦復好顏色人生千載下誰能近聖域抗懷追疇  
曩聊以資器識昔賢浩然氣所養非頃刻寧有鴻冥冥乃  
不豐羽翼寧有尺水波魚龍變莫測少壯不淬冶老大安  
得力陽烏倏以逝惆悵三歎息

委巷絕人事開卷橫古今撫卷三歎息歎息成連琴不聞  
高山操但聞流水音淒淒白露降切切哀蟬吟微雲媚幽  
獨長松澹清陰空冥不可梯歛落成滯淫驚飈海上來蕭  
颯吹衣襟海水有真意荒臺尚可尋圃中足餘蔬壺中足  
孤斟感之淚沈瀾展側傷寸心

墨齋詩卷第三

二

旭日照高林陰陰見桑柘言念素心人獨坐成悲叱西子  
絕代人浣水不得嫁和璧價連城空山血如瀉磬咳吐珠  
璣豪芒幹造化不直一笑噓間或遭訶罵長者苦相助此  
事如啖蔗無味漸得甘多錢終善賈西風吹秋田千頃連  
和種世業倘在茲便可事耕稼

悠悠復悠悠海水萬里流人生藐一粟元氣含九州我有  
千金劍豈以酬恩讐我有徑寸珠豈以照簾鉤富貴若朝  
露今古同荒坵燒丹騎黃鶴此念亦妄求得護樹之背聊  
用忘百憂

范蠡湖對酒歌同朱二十二

四坐且弗諠賤子歌對酒人生少壯能幾何轉眼青銅換  
白首鴛鴦湖上草離離湖邊少伯空遺祠神螺五色尚明  
滅無復一舸浮西施西施本是諸暨女石上青苔浣紗處  
沼吳尤物苦天斜紅燭娑盤醉起舞只今荒徑誰采香弓  
弓點屨無響廊青天一片長洲月生落吳王七里塘當時  
君子六千入粉頸可憐刃不及五湖載去煙水長鷓鴣自  
向鷓鴣泣

漫題二首

方塘青鑑髮楊柳遶其前六月坐長晝此池劇可蓮  
小鳥啄檐水門外凍車轍日出陰風生此晴何處雪

墨齋詩卷第二

題石門山人畫二首

菰蘆瑟瑟天蒼蒼綠萍搖動楊柳黃扁舟放纜撒波去落  
日西風秔稻香

青山壁立三千尺紅樹排空一百株何物更施靈掌擎天  
風直下玉浮圖

城歸宿南邨

火雲燒太虛萬類入炙焙負郭稍幽異西日射林背輕颺  
襲荷池游魚噓餘沫牛羊亦下來行行亮不逮容裔莫景  
佳雲族百千態白雨起空中似欲破堅塊中道立斯須四  
顧失進退言尋野老家臥犬向我吠丈人白髭須揖手申

晤對偶此成主賓雞黍禮不廢腐屋隙椽明呼兒灌園菜  
余亦驚夢斷煙高日曖曖披衣謝丈人愀然發長嘔

同蕭翼爲晚步草庵

六月十日夕夕尋蕭先生不衫亦不履如國遊裸裎招搖  
白羽扇連步踏月行兩徒從而後導以盛石兄出門上橋  
立天碧夜雲輕微風度水際星稀影澹橫南邨古佛刹行  
童具茶鐺肺腑渴欲燃一淪水雪清徘徊叅半偈戀此素  
魄明竭有華髮叟問之無姓名妄言今晦朔司命朝玉京  
懇禁蝦蟆蝕用照下方氓上帝領其請未望月已盈里巷  
互相語厥兆爲豐亨羣聞斯語泊低眉笑老僮而我重歎  
息斯民望歲誠此語實無稽妄聽姑怡情但戒良勿惰努  
力事耘耕斗米百錢值庶無憂菜盛老人倚松睡雙目了  
不瞪石闌花露溼鉛水瀉銀甕

秋杪邨居不出每觸景有會卽賦小詩得十首

白露瀉銀甕晨星紛可摘蛩弔芭蕉敗鶴怨仙人謫抱瑟  
枕秋風長歌遠天碧

孤月下前邨霜高滿庭樹遙唱出蘆花野漁網宿霧溪橋  
一笛橫寒流背人去

古劍吼悲風雕蟲悔昔誤四壁守長貧入世苦齟齬緩步  
石屏西花覆彈碁處

幽棲愛吾廬高卧夢草草怡情對遠山澹營塵意少藥圃  
弄微風歸雲度飛鳥

寂莫歸蓼汀數日謝盃酒今晨新酌熟長歡一矯首餘閒  
寄野娛風月落吾手

蕭條寒雲流樹杪倒潭影巢鶻破煙飛送目忘境靜霜葉  
弄青紅息心得雋永

蒼然煙水寒鷺鴨引船入夾岸枯葦疎芙蓉雕素質對菊  
話泉明吟成自抱鄰

誰憐垂翅客歎息日月逝隔塢夕陽沈倚石自凝睇溪聲  
欺古松偶此成小憩

墨麟詩卷第二

五

小鳥立曾波驚飛慙孟浪適從野寺遊苔蘚踏惆悵孤僧  
乞食還暝色鐘聲上

片雲將雨來松風滿溪閣故人寄雙魚責我遊山約呼童  
具扁舟行矣踐宿諾

羅塘魁異

漆燈暖暖陰飈急草茵松蓋土花澀白狐灑血隋長嘯山  
魈一足騰煙立青霓道士呼天神劍映聲中嬌罵嗔烏雲  
覆面狂氛惡芙蓉失豔燕支脣冥漠君家住何處杯盤噉  
啞幽脩語錦幃圍穩崇連蜷眉鬪蕭郎淚如雨雨黑星芒  
啼老梟風裳水珮夜迢迢碧紗弄影神歸宅蠟膩銅人換

幾條女巫燒楮灰飛雪雄雞唱曉博桑白驅此迷魂入女  
蘿任教還山弄明月

吳興烈婦詩

烈婦戴秀  
才女弟也

君不見吳興短域含沙起張郎恨骨填蒿里陰風吹火黓  
雲愁孤魂遙哭龍溪水龍溪之水深復深鬼霧漫漫青楓  
林嗚呼戴女閨中秀倒瀉黃河血滿襟玉顏捨石石為泐  
齟碎朱脣矢報賊獨脚山魍騰閃工白刃摩空殺不得素  
羅三尺殉蘭房沈冤五月飛嚴霜衣帶懸珠三十雙雙雙  
凝采珊瑚光鴛鴦塚連理樹老烏夜啼天不曙翩然曳煙  
下苔雪慈姑葉長淚如雨

墨麟詩卷第二

六

附集社詩并序

丁酉既落時讀杜氏詩取材焉自秋九月迄明春二  
月合贈答登眺之作若干首為一卷客曰子之樂乎  
此也何不是陶是寫以成一家言而剽販古人以自  
貽搏撻之謂乎僕漫應之曰子不見學書者乎非仿  
無以為也橫者直者勾者磔者波且折者求其似而  
益不似也浸假而仿之肖其形體矣刻木為鵠翼而  
不飛且啄也或稍生動有致矣長短肥瘦纖濃拘縱  
各隨其運不能以強同固不免庸耳俗目者之是古  
而非今也夫亦誠有間矣若懷仁聖教序得右軍數

千言顛倒位置勒之金石誰曰不然客仰而微笑既而曰蘭亭序章法渾成自始迄末卽點畫牽掣所不到而揮霍一氣行間紙上皆有脉絡流盪蓋神行乎其間也聖教序如是乎哉予無以應烏乎噫嘻其深於詩者耶其深於杜者耶此若干首者旣慙其言矣毀諸已乎客旣去姑自引其首簡

秋興四首

盡檢書籍賣日夜倒芳樽采藥吾將老題詩好細論天清風捲幔樓靜月侵門暫往比隣去終防市井喧

養拙蓬爲戶知余嬾是真艱難賤生理寂寞向時人樓角臨風迴藤枝刺眼新豪華看古往儒術豈謀身

墨齋詩卷第二

七

今日看天意薰然耳目開山寒青兕叫野靜白鷗來花遠重重樹愁微處處杯平生耽勝事披寫忽登臺

名豈文章著生逢酒賦欺形骸原土木號怒怪熊羆倚杖看孤石傾陽逐露葵自今幽興熟樂任主人爲

晚秋過舞鶴池贈元文

花葉隨天意讀書秋樹根茅齋依橘柚旭日散雞豚石角鉤衣破城陰帶水昏看君多道氣計大豈輕論

約遊湖心亭遲元文不至

落日放船好山林跡未賒心微傍魚鳥亭古帶蒹葭寒水

光難定浮雲薄漸遮湖南清絕地有待至昏鴉

元文時寓湖南淨寺

過樊園有感松亭先生

易識浮生理祇應吾道窮野流行地日雲逐度溪風乞米  
煩佳客應門試小童兼將老藤杖時放倚梧桐

入楓山讀書示丕光仲謀二首

一坵藏曲折不與衆峰羣舍下筍抽壁堦前樹拂雲文章  
開突與秋興坐氛氳落日平臺上書籤映隙曛  
新詩句句好重與細論文閉戶人高卧摩霄鶴數羣深山  
催短景荒戍密寒雲直作移巾几兒童未遣聞

悟空寺

墨齋詩卷第二

八

蘭若山高處高隨海上查野畦連蛟蝶古屋畫龍蛇帖石  
防頽岸傾壺就淺沙杳冥藤上下細麥落輕花

宿興善寺贈溥公

更宿招提境心清聞妙香野雲低度水老樹飽經霜寂寂  
春將晚團團日隱牆近公如白雪陰益食單涼

晚泊石門同立菴元文丕光仲謀過黃葉邨莊

石門霜露白橫笛未休吹近有風流作悲歌識者誰邨疎  
黃葉墜江晚白鷗飢意答兒童問長吟野望時

同丕光登煙雨樓二首

樓在鴛鴦湖中俗呼爲南湖

之子時相見南湖日扣舷魚龍迴夜水鷓鴣在秋天竹送

青溪月城凝碧樹煙未因乘興去把酒意茫然

少壯樂難得秋天昨夜涼客愁連蟋蟀沙暖睡鴛鴦野寺

斜陽裏柴門古道旁騷人嗟不見颯颯鬢毛蒼

竹垞宜山  
俱家湖上

真如寺

在鴛鴦  
湖之西

霽霧牽高牖真如會法堂荒庭垂橘柚江檻俯鴛鴦飢藉  
家家米風吹細細香客愁全爲減隨意宿僧房

約遊東塔寺無與同者悄焉獨往

平生獨往願任受衆人哈老樹空庭得春帆細雨來登臨  
多物色羽翼共徘徊樂助長歌逸飄零酒一盃

登佛閣二首

豐碑詩卷第二

九

春日無人境登樓望欲迷沉融飛燕子沙僻舞鷓鴣野寺  
江天豁田家樹木低白牛車遠近著處覓丹梯  
未負幽棲志迴看不住心夕陽薰細草輕鳥度層陰邨鼓  
時時急春流岸畔深窮愁應有作感動一沈吟

自郡晚歸舟行甚駛

浮舟出郡郭控帶蒼悠悠野寺陰喬木飢鳥集戍樓轉添  
愁伴客卽恐岸隨流明月生常好天寒耐九秋

邨居二首

有客雖安命柴荆學土宜涼風新過雁小水細通池不必  
陪元圃無勞比素絲呼兒具紙筆排悶強栽詩

長卿多病久書信有柴胡身世雙蓬鬢乾坤一腐儒此生  
遭 聖代高卧負微軀嘆息謂妻子居然屈壯圖

水亭偶興

解衣開北戶最奈客愁何鳥雀荒村暮江湖秋水多築場  
憐穴蟻對酒愛新鷺物色兼生意交橫落慢坡

望秦山東丕光

丕光時方作登秦山賦未竟

坐對秦山晚非君誰與論幽花欲滿樹小逕曲通村陰壑  
生虛籟輕雲倚細根文章千古事於道未為尊

送丹成兄偕張學博之瑞安

平生飛動意謀拙媿諸昆同調嗟誰惜家聲庶已存山居

皇麟詩卷第二

十

精典籍高價越瓊璠好去張公子連筒灌小園

夜過拙宜園

城郭終何事深居賴獨園竹光圍野色草露滴秋根已覺  
良宵永吾知拙養尊子雲清自守正閉小蓬門

雨中寄丕光

舞蛟石在白塔山下郭東百步有聞琴堂

獨把魚竿終遠去一生襟抱向誰開無邊落木蕭蕭下但  
見羣鷗日日來舞石旋應將乳子行雲幾處傍琴臺蒼茫  
不曉神靈意莫怪頻煩勸酒盃

邨居戲題齋壁

柴門空閉鎖松筠戶牖憑高發興新豈有文章驚海內不

教鵝鴨惱比隣桃蹊李徑年雖故白水青山空復春稍待  
西風涼冷後園收芋粟不全貧

吳興沈五秀才索題所藏趙松雪九馬圖

趙公玉立高歌起亦能畫馬窮殊相隅目青癸夾鏡懸蛟  
龍盤拏肉崛強是何意態雄且傑鳳臆麟鬣未易識英雄  
有時亦如此會是排風有毛質一疋齷草一疋嘶其餘七  
疋亦殊絕山陰落日下絕壁千里猶殘舊水雪個儻權哥  
難具論五花散作雲滿身紫燕駮耳行甚速回風颯颯吹  
沙塵江山故宅空文濛但話夙昔傷懷抱君不見韝上鷹  
滿堂動色嗟神妙

吳興郡南門蓮花  
莊即趙文敏故宅

墨戲詩卷第二

十一

接張秀才舅吉州寄詩

二月南邨好天氣尺書遠道落縱橫飄零琴鶴分陰去潦  
倒江湖春夢成碧樹亂煙圍白屋青山舊約劬黃精尚憐  
他日團欒處罵坐偏矜作達名

附原詩

海鹽張本涵餘邨

坂輪下白日黑髮垂星星惟有惜別意始終自牢局憶  
昔春日暖水碧天宵冥桃花夾兩岸絲柳搖長亭繫纜  
駕鵞湖執手兩涕零芳時不忍覩臨發權重停子言家  
食難敢不勞其形曰歸幸早賦要使白髮寧我時與子  
期欄葉飛中庭那知逢世拙衆醉輕獨醒悠悠落人海

踽踽悲伶仃五年烏過目飄轉隨流萍故園眇何許歸  
夢憑爽靈子文金石響跌宕驅六經謂如庖丁及砉然  
發新矸何緣比鈍鋒未脫一衿青秋風吹蟾窟如雨飄  
芳馨努力磨脩斧快斫高玲璊我衰學久廢五畝堅自  
銘莫待歸來目松根對采苓

爰朱上舍立庵四十韻

葛衣坐北窗清風戛脩竹布席影東西翛然涼意足雙鯉  
從何來使我生蒸熇是日日杲杲雨汗緯旅宿半榻淨無  
塵藥煙縹成穀心知長別離鼻酸不可弔人壽日苦短翻  
翻鳥過目古井落深縵一斷永不續視殆畢來家北斗挂

墨齋詩卷第二

十一

我屋念君甚軒昂柱下書能讀長揖謝輩流芳蘭發幽谷  
啜茗焚妙香烹蔬煎野菽虛堂夢蝴蝶卷幕理鴿鴒伯牙  
淒鼓琴漸離哀擊筑本謂霧豹隱豈擬泥龜縮何爲三重  
泉祇以埋鶯鶯我原古狂狷十載抱窮獨交深平生歡憶  
在孤山麓櫂船裏外湖觀濤曲江曲

曲江卽錢唐江見  
錢思復羅利注

君家羣從

賢跌宕溫如玉兩心何明明燁燁光燈燭尋遊動移晷遙  
天下孤鶯旋歸弄海水貌小置一粟曾波盪塵胸點點岫  
新沐九十九峯煙屢踏不厭複有時吐雄談四坐悉雌伏  
尚論到千秋齒頰直疑獄繫予背時貌稍戢原忠告一冥  
逝不留百身安可贖微聞解脫時從容額無蹙自云師亦

松永從學辟穀魂氣無不之半七清涼服已矣復何言無  
事無終局桑田夷江湖滄海變平陸眺望南山雲蝸角笑  
蠻觸幻化乍歸來游戲梅花鹿側身涕霑衣不得認舊族  
天地自茫茫斯人正逐逐貪污或永年狷潔偏荼毒以故  
歎與猱磨牙競人肉

題朱上舍染柳圖

乳鴨灣頭細柳新五陵豪客騎鞢鞞荷衣直怕春風染鷺  
地揚鞭走出塵

挽懷編修兄四首

黑風吹落少微星燐火空庭黯澹青彈指六年分袂日一

墨齋詩卷第二

七

鞭殘雪短長亭

一官催去了平生凶問傳來夢寐驚兩字平安書不見玉  
堂風雨哭孤旌

讖應龍蛇蕙草枯愁看孤櫬放鴛湖荷鋤已作虛無想塵  
壁傷心戴月圖

蒿里歌殘烏欲啼石渠不復夜燃藜一行遺札誰能讀老  
母孤兒又少妻

書周鍊師煙雨樓詩後

燒汞仙人愛勝遊朗吟煙雨最高樓湖光不動連天碧漁  
笛一聲沙鴈秋

泊山塘月下聞女伶薛鳳歌偶成六首

繫馬閭門上畫船月明吹笛小樓煙  
秦娘家在臯橋下戲折梅花又一年

紛綸竹肉最淒清可並何戡唱渭城  
紅豆不生誰點拍吳趨原有繞梁聲

霓裳法部舞翻翻一拍紅牙欲斷魂  
不道念奴無絕唱可堪遺事譜開元

貼地蓮花束素腰罡風曳動玉虹驕  
定知雌鳳軒雙翼飛跨雲間弄碧簫

申夜燈煙漲管絃霜風吹滿看場圓  
月華不隔千人坐照

墨戲詩卷第二

西

澈劍池騰虎邊

斜抹檀槽雁影微錦帆遙帶曉風歸  
寄聲漫唱竹枝曲水月寒光水霧客衣

題溥公梅花障用工部李尊師松樹障子歌韻

爲憐寂寞盧楞伽偶逐閒雲此過訪  
數竿竹影窗際橫盤曲細梅見新障  
墨花浮動香冥冥下欲溼潤莓苔青  
瘦蛟猝起立天外舒放爪鬣難藏形  
良工指硬筆道古丰茸卻有游蜂聚  
鶴喚寒宵燈乍昏月冷孤光夢還苦  
清齋清絕誰與同實堪坐卧長眉翁  
一笑出門天大雪跨驢更試尋東風

雨夜觀畫松用工部韋偃畫雙松圖歌韻

日觀峯下蟠怪松未往一撫悞年少何人十指飽煙雲霄  
山樵叟臻竒妙陰厓巴蛇老脫皮乃是千歲杈柯枝成精  
飛鼠上不得古藤絡滿芒刺垂秋雨閉門夜寂寞似起怒  
濤無處著陡放牙鬣出爪脚一條黑氣燈邊落項叟化久  
我莫見幸留筆蹟鵝溪絹肯教蝨蝕不成段但裝橫軸風  
痕亂墨光自動石壓幹

秋日偶題六言

蟋蟀吟愁別館蝴蝶夢醒匡床漫道一寒至此未令三逕  
就荒

墨麟詩卷第二

五

莫畦耐可種菜秋佩焉用紉蘭四壁風生獨坐一鉤月好  
閒看

引吭糧添野鶴抱鬢蜜釀游螽靜課三竿紅日寒交百尺  
青松

赤手行探虎穴科頭且釣魚磯小艇淺橫岼草輕波欲沁  
人衣

半彎白石漸瘦幾株烏桕偏濃風鴉纔上殘堞煙寺恰打  
晚鐘

他日乍交歡伯平生久要此君盥手爲彈流水

同丕光海上晚步小憩粒粟庵循舞鶴池訪元文  
得五首并邀同作

出郭眇遠海逕轉青琅玕日月盪空際驚波自生瀾衆水  
之所壑奠此魚龍安暹羅船萬斛墨點一彈丸抽帆三百  
里蘸水溼未乾羣峰層暈列迢遞明雲端日夕天風冷吹  
我衣裳單我衣單尚可奈爾霜信寒

鳥鳴何嚶嚶竹枝亦靡靡高柳挂晚晴日射茅柴裏植麻  
蓬蒿中嗟此邱中士

坐令芳華

年輕擲毛錐子汨汨幽澗泉枕流亟洗耳不見膏粱徒列  
名在青史

墨麟詩卷第二

六

嘉卉藹以綠旣綠行復黃前路萬餘里能無哀阻長路長  
更百折策馬何時發孤雲天末飛微見雲中月見月出雲  
中清宵浩浩風邈然寄禪悅野寺落疎鐘

我生何倚著二子俱神清扣扃入南郭暮鳥向我鳴許生  
正隱几寄此栩栩情宿雨晚花秀閒堦碧鮮生綠綺絃未  
蓄不鼓亦無聲有錢但沽酒聊共林下行

平生有微尚未敢慕邱壑還丹不易成且復事采藥采藥  
向山林賣藥向城郭不如挾弓矢射獵恣盤樂射麋麗其  
龜射兔脚撲朔百仞治落盧黃鵠扞寡廓攬輝徒爾為行  
矣雲天鶴

同驥行訪湖上諸勝五首

步出錢唐門，晨光照巖屋。湖水清且深，白雲飛極目。晞髮者誰子，長歌指林麓。孤山一角斜，得意寫洪谷。尋幽扣禪高，空非所逐。但欲了真源，去來今已熟。老僧梵課靜，鳥語在深竹。積陰欣乍晴，連峯正新沐。澹然當微風，我意良自足。

探幽不憚遙，登陟忽一昔。足力但能勝，惟我心所適。葛翁煉丹處，至今苔蘚碧。山精失古鏡，磨洗托拳石。燭燭古佛燈，無心不示寂。花落西泠橋，白月照陳迹。誰言翠微深，聳身竟巖壁。修篁嶺際響，響響清露松。間滴草色悞，裙腰芳氣湖。

墨麟詩集第二

七

光積塔頂雲乍陰，雷峰澹將夕。

十八阿尊者了了，見法相雄或能降龍怪。或可馴象或同翳，桑餓或如武安將。或仰塵玉塵或俯捉錫杖，眉長或過膝喉結。或露噪我聞須，婦人羅什亦慾障。因緣非我知，功德任無量。顧語鍾子期，此景饒清曠。藤蘿更勉攀，爽氣為一放。湖風挾雨來，屐齒不可上。

昨訪南屏路未愜，幽賞情今來玉泉寺。快此山水清嘉魚，具五色苜蓿紛縱橫。其中鎮寶塔，毋乃鑄鐵成。山僧指語我，穴有蛟龍精。引我入松徑，兩腋颯以輕。上陟巖磴險，下俯雲壑平。蒼蒼煙樹裏，晚鐘忽一鳴。銜山耀斜日，盪漾湖。

中明明當更結伴附葛山中行

我生少所見遇景目最怒矧此好湖山復得煙雲助煙雲  
俄盡掃益覺曠清曙長松挺蛟拏怪石恣虎踞豈無沽酒  
資臨觴忽不御在昔有密友宿草今生墓人生不久長有  
新即有故楊柳泊釣船湖水澹吾慮宿雨潤芳原幽鳥鳴  
香步出郭路漸遙城關恐留阻兩漿打未停俯首黯無語  
青山如游龍蜿蜒入雲去

猛虎行

白日無光雲氣重風葉千株萬株動南山猛虎出林間跡  
印泥沙百獸恐深巖無主多鹿獐差可與汝供餼糧胡為  
貪饕意不足却噬前村所牧羊長尾拖掌行似病睽雙  
睛金不定但起扼吭捉其頭膩血應從雪刃流導虎俛魂  
休彳亍看寢虎皮食虎肉

戲題鍾馗移冢圖

老梟夜嘯猩猩哭陰山月黑飛蝙蝠終南進士雙眼綠似  
快喬遷得華屋跨驢嬌妹翩驚鴻妖紅膩粉吹旋風山精  
獨脚跳當中導押家具應鬼雄數鬼擔沈肩臂裸亦有青  
楓根下坐鬼婢胡然聲細瑣回頭覓照青燐火誰削鬼脯  
一嚙嘗此圖繪事殊荒唐蛇神牛鬼世披猖聊克桃茱袂  
不祥

關山月

涼蟾不怯關山道萬里隨人同一照遙挂當天皎鏡圓玉  
門生入不成眠青援咽露危崖底黑雁鳴風淺渚邊白榆  
歷歷桂花冷不見天香見清影疑有寒光乍拂裾頗憐霜  
色偏垂領磧裏征夫莫憶家封侯須逐李輕車響遍胡笳  
經馬邑行看漢月度龍沙

神仙曲

天門呀剗清霄紫溶溶橫界銀河水幾度罡風吹素塵五  
嶽連延見穉米千年日月太須臾來往蓬萊聊自娛嬰兒  
姪女不解事一點頑砂扇大爐風鬟霧鬢良無用乖龍行  
雨休輕縱空中戲攬五銖衣白鶴凡胎壓雲重

神絃曲

坎坎擊鼓當中庭悠揚鈴鐺聲丁玲上筵下筵羅羶腥封  
羊魚豕神惟馨翦紙作人縛草作舫軒眉朗和皆具經老  
巫中夜寐不寧長跼傳言傾耳聽鳳皇翩翩飛雲軒神來  
神去閃流螢旋風宛轉入杳冥雄雞欲唱神無形東方旭  
日驚窗櫺澹煙散盡天空青主人受胙神有靈巫覡飲福  
午不醒

橫塘曲

我行溯橫塘兩槳盪波綠船頭激素鱗船尾飛屬玉屬玉

雙飛向畫橋隣船亦動木蘭橈半頃平湖開鏡匣一隄細  
草颺裙腰柁牙十五盈盈女布帆輕拽收南浦斜岸微搖  
楊柳風暮煙欲落桃花雨風雨橫塘試問津流鶯滿路話  
前塵鐘來遠寺層樓直酒熟孤村小旆新低徊一片橫塘  
石茫茫誰是青雲客索居大坐日輪紅匏繫聊觀海波白  
九曲橫塘灣復灣人生辛苦閉雙關刺船倘過蓬壺島回  
首秦溪第一山

鴛湖曲

波光綠鴨頭船梢紫燕尾由拳城外兩重湖危樓突兀中  
央起年年三月雨瀟瀟看盡湖中暮復朝輕蘋惹桂楫弱

腕盪蘭橈約伴踏青三塔道低鬟候渡五龍橋真如唐利  
千秋寺長水秦塘百里潮簾櫳曉捲宜晴日雕甍綺闥參  
差出誰知翡翠篆銅屏誰見嚮輪調錦瑟別院榆錢點水  
遲滿窗柳絮黏泥疾綠地長蘆蕪桐華香不麤湖心一粒  
驪珠漾夾岸樓臺盡畫圖夢醒最憐柔櫓滑波深不礙暮  
雲孤青帘新壓梅花酒玉殘風前駘宕久煮茶端不療人  
飢釣鼈枉自耽書瘦縣前蘇小可當家油壁乘來踏軟沙  
顧曲紅牙輪綽板偷聲綠鬢醉琵琶將軍墓在還飛蝶角  
里人行但暮鴉暮鴉啼處天桃笑穠李猶能回夕照粉髻  
雞鳴青竹圍金籠鸚喚紅簷繞燒香曲采桑歌惱亂人腸

奈爾何小圃乍開芳草積名園可賃落紅多落紅多處流  
花片神螺五色今難見放鶴洲空自博徒傾脂河涸誰嬌  
面長嘯尊前一攬衣漁人舉網鰕魚肥閒鷗野鷺成羣出  
不見鴛鴦一隻飛

遊秦山三首

我登秦駐山豁然雙眉開聞昔秦皇帝龍馭曾一來想見  
萬乘出屬車殷如雷供億比山嶽令乃嚴棄灰千年湮往  
蹟遠徑餘莓苔潺潺澗壑底萬樹松風哀我友手指示其  
上臨高臺其旁美人墓紅粉閉蒿萊請將弔古淚下瀝陳  
草荇嘆息勿復道驪山亦傾積

墨巖詩卷第二

三

東俯眺滄溟泓然一杯水長空吹天風日射迴瀾紫當時  
徐福船高桅刺天起采藥久上仙孤洲仍此峙至今島嶼  
環層螺旋不已梯航羣職貢寧能計道里須臾暮潮平石  
塘波瀾瀾山僧嬾對客欠伸旋隱几小坐盤石間聊以志  
吾喜

循山下山麓誰闔雙柴門捫蘿剝啄久彷彿聞人言揖客  
坐中堂戶後桑麻繁妻孥皆自得雞犬雜然喧不知有漢  
魏豈繫桃花源片雲度屋頂微雨灑荒原迴潭水清駛流  
注長松根忽露星與月巖半啼青猿山寒不可住鼓櫂歸  
南村此際有微尚岑寂何足論

金粟寺觀三國時戰鼓

遵渚逐飛鴻夾道撫長松  
冷梵唄響殿脊出花叢  
叢林下南浦金粟山邃古  
徃蹟赤烏年傳有獨桑  
鼓枯楊琢作椎冒以神鼉  
皮空堂但一振驚起林中  
羆緬維炎劉替英雄起相  
繼紫髯會乘時武昌自稱  
帝萬艣壓江中北軍浩浩  
風鼓聲應不歇壁赤滿江  
紅一時諸健將公瑾最雅  
量何人賦柝榴難入孫郎  
帳恒河閱劫沙乃落優曇  
華興亡兩寂滅且用演三  
車日夕風差勁寺下波如  
鏡樵歌山外來月出山僧  
定

遊豐山歸舟漫述六首

墨齋詩卷第三

三

東風吹雨入船涼  
荇滑船迴撲岸香  
山海茫茫如作夢  
三郎祠外柳絲長

澣沙溪水碧連空  
半拽輕帆穩趁風  
好是漁邨迴夕照  
釣篷斜繫酒旗紅

春衣並脫醉青山  
踏破蒼苔尚未還  
大有風香吹不定  
素心蘭放在前灣

野鶴蕭然絕世塵  
環橋煙水碧鱗鱗  
寺鐘日暮隨風落  
滿柱藤蘿不見人

嵐翠重重欲溼衣  
蕭疎竹裏出魚磯  
分明認得山樵路  
宕漾閒雲未肯歸

寥落青松十里餘，暝煙渾鎖酒人居。  
數峰相向月華白，或有仙靈開異書。

讀史雜咏五首

子房初年少，散財報韓讐。  
亡匿走下邳，枉用天下求孺子。  
自可教黃石，非謬悠太公。  
有兵法帷幄，以運籌躡足死。  
王孫報韓如此，不臣計幸時。  
中結願惟封留學道，欲輕舉乃從赤松遊。

淮陰昔寄食，兔首出跨下。  
仗劍起從軍，股掌玩項藉。  
平生善將兵，真王安用假。  
三分自失時，聊以推解謝。  
不聽桀犬吠，竟為兒女詐。

墨齋詩卷第二

三

曲逆好讀書，舉動乃譎詭。  
托術在黃老，亦食糠覈耳。  
取婦資用饒，遂不久鄉里。  
六出計雖奇，頑頓稍無恥。  
冠玉果無庸，徒負丈夫美。  
社肉宰甚均，天下寧如此。

高陽有狂生，落魄無衣食。  
不辭里監門，賤役以自匿。  
真人芒屨來，天授非人力。  
曳裾願從游，奇計良不測。  
楚漢方逐鹿，兩雄豈俱立。  
滎陽旣旋收，成臯亦以塞。  
下齊七十城，聊試一憑軾。

天下異安危，注意在將相。  
陸生非腐儒，良難治馬上。  
漢廷公卿間，名聲豈能妄。  
橐有千金裝，新語亦排宕。  
南蠻椎結人意，念頗雄放。  
日聞所未聞，乃以消屈強。

秋夜聯句

一縷茶煙直長懷桑苧翁維翰人將秋並瘦潭挾月俱空朱謀

光 簾影微搖燭花香款度風維翰涼生河漢白天外數聲鴻烈五

謨烈

粉落蓮房冷西亭歌吹涼謨烈微星山鳥語疎柳斷橋荒維翰

野水迷空濶蒼煙隋渺茫謨烈熒熒漁艇火風靜自鳴榔維翰

莫色蒼然至方昏星尚稀維翰疎碁臨水響牧笛隔雲飛謨烈

會意天真見維翰何當攜箬笠長敲釣魚磯謨烈

躡月凌峯頂山田長藥苗維翰細流多接海老樹自支橋謨烈

鶴語翻清露松聲走夜潮維翰不知巖畔客顧我若為招謨烈

籬落蕭疎處幽香隔院聞維翰棋敲半林月星點一溪雲謨烈

雅擅風光好誰將夜色分維翰椰掄山鬼唱獨有鮑家墳謨烈

和詩

朱 權 仲 謀

乳竇雙蝙蝠簾旌拂乍聞露凝五夜雨煙散半牀雲海

氣衡天溼泉聲遠澗分閒吟楓葉冷陰火燒空墳

浴罷風生腋行歌隨碧簪維翰機聲矮屋火人影古槐陰維翰

雨後莎雞濕更長卧犬瘡謨烈徘徊諸境寂對面一峯沈維翰

竹榻涼如水出門露氣侵維翰斷雲垂古渡昏霧失歸禽謨烈

草木秋山色江湖勞者心維翰平原嗟不作千載弔知音謨烈

已亥秋仲謀招予入山讀書與丕光對榻僅三閱月每

夕連五言八句為斷仲謀晨見卽和合之得百首有奇  
其族人元章頗好事彙錄一冊今兩君率下世冊亦逸  
偶省記數首編入藁中憶當日三人共悲立庵盍遊肆  
怨鬼神不可殫記頃一彈指三朱一無存者斂手於邑  
斯不自知涕之橫頤也甲辰三月十三夕粉坊旅館燈  
下志

附  
贈行詩

嘉興  
朱謨烈 丕光

與君結契留青雲愛君風骨能超羣胸吞雲夢者八九  
回看薄俗徒紛紛十年海國挽桃茷芙蓉鏗淬光如刷  
五色蠻牋風雨馳壁上諸侯都氣習有時藏鉤還賭酒

墨麟詩卷第二

五

鷓鴣一傾曾何有紫瑜合沓樺燭明蔗竿幾飽君家手  
君才跌宕良不羈靈蛇獨握欲無遺菰蘆三載憐同病  
眊瞍窮途泣數竒胥江一夜蛟吹雨雲雷儻忽凌風去  
大羅暗記蓋珠名古柳行聞彈指語西窗舊雨兩茫然  
祖帳河橋別緒填上林春色遲行笈蝶躑驪駟迸似煙  
噫噓戲丈夫垂翅十手指刺促不為鄉里齒吾欲學劍  
去從軍橫腰鵬騰青紫欖槍一掃西北塵歸來討笑  
毛錐子不然躬耕先人田灌園治產差為賢阿堵亦足  
增意氣豈似破硯長無年此語當非感迤邐君不見蘭  
署諸公釜無餐朝朝索米向長安

邨居絕句七首

渠几清如水微風度藥鐺無人倚孤石山鳥竹間鳴  
曲岸接陂塘細草平於褥隣翁拄杖過對坐一池綠  
投竿溪上釣挂席見扁舟忽逐孤鴻沒隔溪屋影浮  
菖葉綠侵衣延緣可十里白雲不戀人自度前溪水  
依鐘尋遠寺松雨滴衣裳渡口逢樵叟相攜上野航  
老樹卧成橋滿堤紛柳絮翠羽一雙飛銜魚入花去  
柔櫓數聲歇夕陽明渚汀不知峯遠近微露一痕青

清明同許元文張舅餘邨釋實古郊遊晚步海上  
用昌黎寒食日出遊詩韻

墨齋詩卷第二

三

乍熱乍寒人易病中田菜花黃轉盛滿目坵墳挂紙錢蝴蝶  
蝶飛來竹梢映賣錫聽數聲簫此間冷節還相競欣然  
連袂踏青遊初試春衣事清咏白楊著葉風蕭蕭翁仲誰  
家立端正城根窄徑出花間前遊高興今須更矯首良辰  
我欲愁友朋自昔以為命行逢宿草相嘆惜斷土長饒三  
尺柄傷心舊雨劇蒼涼坐對新陰安足慶還道郭東亦有  
樵古貌巍巍起人敬雙扉空寂奈斜陽一閉青山永幽篋  
樓頭遙放好花開間關知得黃鸝聖山僧寓意在象外瓶  
罄寧憂日食併人生行樂貴及時舉步要當適情性何人  
浮海戒舟航排檣沒處驚濤橫飛流遙欲濺松根斗門珠

穎連連送可憐漸盪月華來遠天一瀉明粧鏡迤衍層峰  
雲岫青當年鞭石聞羸政鮑魚腥後浩黃沙萬山卽暝東  
風勁不辭爛醉酒壚旁但莫持籌記觴令

感春三首用昌黎詩韻

品彙胡然乃得所不使稍留缺陷處昔聞崑閬願一登絕  
迹飛行定無阻此意胸中閱十年獨對春風默不語雲際  
仙人舉手招雖不能從竊心許

我生幸值年少時堂堂春去了不悲偶誦風詩有嘉客白  
駒空谷還繫維乃知花開從爛熳豈能不教風中吹南園  
好鳥聞關語天桃穠李終何之三日低顏意蕭索燒煉鼎

墨麟詩卷第二

七

藥真無疑昔人已仙控鶴去漆書綠簡徒文辭聊餐糟粕  
俟其化九醞實覺醇不醜家人苦勸凡夫骨金丹欲就恐  
太癡掉頭扁關扣天鼓木金配合丁壬宜飄然倘得長生  
訣羨門爾復知爲誰

江湖浩蕩多愁人相憐戰戰皆凡鱗作書河伯慎出入枯  
魚過河那不嗔丈夫變化安可料孺子豈必憂長負瓊樓  
只在煙雲裏取之以氣能通神肝腸底用濯冰雪明淨久  
絕纖埃塵手持如意擊壺碎古人死盡今人親大笑子雲  
不識字乃作劇秦以美新停盃仰首山月白一曲高歌楊

柳春

題瀟湘八景冊子

漁村夕照

簦笠銀鱗躍不起，幾家茆屋牆。匡裏燕尾舡，牽繫短椿萬頃湖。光天拍水鹿，眼踈籬出爨煙呼。兒曬網高柳邊沙鷗，鷓鴣浮沈處，還背中心流落日眠。

煙寺晚鐘

暮色蒼然黯將夕，衝破上方鶴一隻。紅樓斜露角西南，竹樹叢叢晚煙白。煙際疎鐘到處飛，曲盤細路見依稀。不知昏黑高巖半，乞食僧從何處歸。

山市晴嵐

星巖詩卷第二

夫

山螽亂飛花氣斂，嵐頭空翠濃於染。趁墟人度野橋邊，一片酒旗風裏颭。樵斧丁丁樵唱聞，塢西開盡隔溪雲。泉流石上爭餘瀝，接竹聲從那澗分。

遠浦歸帆

北船吹南南船北，遙嵌青天幾點黑。峭帆風飽趁時開，邪許一聲齊著力。荻花楓葉天蕭蕭，遠客歸心不自聊。急流下碇應何處，千里江陵正落潮。

平沙落雁

微雲澹碧天如卵，平遠汀洲雁聲緩。未必江頭足稻梁，嘹唳忽來沙際滿。飛鳴宿食寄天涯，跡印沙中整復斜。彷彿

琴絲彈不斷秋風滿岸響蘆花

洞庭秋月

露華欲溼秋岑寂誰向高樓夜吹笛滿湖浩蕩月輪明碧  
羅衫袂清於滌水色秋光氣最哀涼風飄夢落江隈不知  
關塞嚴霜白可有鄉書寄却迴

瀟湘夜雨

箬篷滴瀝聞柔櫓相逢爲問襄陽估隣船一點出孤燈哀  
猿嘯處通宵雨苦雨淒淒磨作絲黑雲如漆四邊垂人間  
多有悲秋客莫向湘江唱竹枝

江天暮雪

墨麟詩卷第二

元

釣船一隻隨波上浙浙篷窗聲漸響不知沽酒向誰家一  
笑江天大開朗點點寒鴉噪暮空滿江月冷不因風明朝  
試起沙頭看野店無人爐火紅

舟行卽目三首

古蕩村南芳草齊梵魚聲在竹林西倚舷自誦春游曲楊  
柳千條鶯晝啼

傍水芭蕉綠影濃寥寥一犬吠深松日長雲盡花房斂淡

淡遙青認兩峰

高樹烏棲滿逕煙環橋西岸燕梢舩何人解道東風急並  
櫂橫塘夕照邊

登雲岫放歌

一名鷹窠頂有石  
鷹蓋鑿以鎮魅者

我欲煉丹砂遙遙勾漏路已賒側身南望不可到凝愁枉  
自飄天涯稍聞秦源跨靈鷲潺湲石澗流桃花我尋不死  
草茫茫何處蓬萊島一痕蜃氣吐樓船卅女童男腹中老  
員嶠方壺海底沈揚塵是處紛可壻長嘯向乾坤南溟大  
有鯤軒騰會變化破浪出龍門龍門險峻無由上倒影搖  
處山爲翻我來絕頂望遠海砮轟一氣皆東奔暹羅日本  
傍水國點點螺黛愁眉昏前年欲登路中阻蒼茫矯首驚  
神魂今年青冥決意踏况值我友攜琴樽古寺蘚蝕碑篆  
黠滿谷香氣來芳蓀白鷗隨浩蕩頗覺脫籠樊逸興拂長

恩麟詩卷第二

三

劍雷雨親手捫綽綽嫵媚峯影秀依依空翠巖風溫南湖  
北湖最宕漾其下竹樹連山村吁嗟此遊亦悲壯五嶽尋  
遊事不妄人生耳目豈有極怡神此地卽崑閬悠然竟上

翠微巔岿莫高嶺懷譚仙

紫霄真人譚  
峭得道處

仙靈哀吟峽猿怨半夜

恰對紅輪眠少年夢想定一遂翻身直過飛鴻前眼中之  
人多異物止有古木經千年踟躕中心乍棖觸臨風不斷  
絲淚連綠蘿垂暹白石爛萋萋晚色搖春煙出門新月放  
楊柳柳漸作綿月下弦君不見老鷹蹲立半山裏惜無毛  
羽盤青天守株我未甘待兔得魚人自多忘筌行雲縷縷  
漫出岫欲梯青嶂終無緣

題併浦詩後

武進 莊秉中 啟曾

拗蓮擣麝香欲滅謝草江花半銷歇蓉城無主玉樓空  
天遣詩人花作骨碧空夜摘星斗寒曉珠和淚滴露盤  
蠟鳳倒垂紅韎鞞墨螭醉舞青琅玕寶鴉濃點桃花紙  
玉蜍一勺銀河水頗黎屏外月如霜口嚼紅霞喫米蔬  
丹山萬里垂桐花翠毛么鳳矜春華紫竹吹殘碧雲裂  
黃雞唱罷金烏斜茂陵秋雨多情客試聽春啼杜鵑晚  
嘔心輒貯古錦囊吟髭撚斷頭應白

04469



